

(107) Viro Generosissimo, Equiti splendidissimo  
 Carolo a Linné  
 Praeceptorī ac Fautori suo ad cineres colendo  
 S. pl. d.  
 J. Zoëga.

...!) Fabricius iam Parisiis degit, fratremque eius re-  
 uenturum post paucas hebdomades heic exspectamus. Koe-  
 nigius iam sine dubio in loco destinato est... Hafn. II.  
 Decbr. 1768.

(108)\* Prænobilissimo Dno Doctori et Professori a Linné  
 Fautori suo aestimatissimo  
 S. pl. d.  
 J. Zoëga.

Per integrum fere annum ne unica quidem littera me  
 beasti, cuius silentii caussam explorare non valeo, nisi ea  
 sit, quod praeterito anno plura semina mihi mittere promi-  
 seras, nec promissum impleveris: Mitto iam iterum catalogum  
 seminum nostrorum pro hoc anno, et vt inde eligere et me  
 quam primum fieri possit, certiozem facere velis quae Tibi  
 grata sint, rogo, sed simul non possum non summopere a Te  
 expetere, vt plantarum nostrarum numerum rarīs vestris et  
 pulchris, quae nobis defecerunt, plantulis augeas. Praesertim  
 opto Forskâhlianās, alpinas et Sibiricas, et scio Tibi harum  
 magnum esse numerum, sed ignoro, cur eas semper retines,  
 nec nobiscum communicare velis, quum e contrario nos quae-  
 cunque nobis sunt rarissima lubentissime mittamus. Has  
 preces saepe repetitas nunc reitero, sed surdus ad eas mihi  
 semper visus es. Tentabo e rarīs vestris, quae vobis esse  
 scio, quaedam enumerare...<sup>1)</sup>

Ecce multas et pulcras plantas, quas in horto nostro  
 videre optarem, et quarum communicationem duplo numero  
 remuneraturum me promitto. Exspecto adhuc semina a Dno

<sup>1)</sup> Plantefortegnelse.